

## МАМЛАКАТИМИЗ РЕАЛ СЕКТОР КОРХОНАЛАРИГА ИНВЕСТИЦИЯЛАР ЖАЛБ ҚИЛИШ ҲОЛАТИ ВА УЛАРНИ БАҲОЛАШ УСУЛЛАРИ

Обидов Сарварбек Музаффар ўғли,  
ТДИУ ассистенти

**Аннотация:** Мақолада иқтисодиёт тармоқларида инвестицион жозибадорликни баҳолаш зарурати асосланиб, унга муаллифлик очиқламаси тавсия этилган. Мамлакатимиз минтақаларига инвестициялар жалб этилиши ҳолати таҳлил қилиниб, хорижий инвесторлар учун тармоқларнинг инвестицион жозибадорлигини баҳолаш йўналишлари кўрсатиб берилган.

**Аннотация:** В статье обоснована необходимость оценки инвестиционной привлекательности отрасли, предложено ее авторское определение, проведен анализ привлечения инвестиций в экономику региона, а также представлены подходы к оценке инвестиционной привлекательности отрасли для зарубежных инвесторов.

**Abstract:** The paper substantiates the need to evaluate the investment attractiveness of an industry, suggests the author's definition of the issue, proposes approaches and foreign investors.

**Калим сўзлар:** инвестицион жозибадорлик, тармоқ, минтақа, инвестор, хорижий инвестор, инвестицион жозибадорликни баҳолаш.

### Кириш

Мамлакатимизда амалга оширилаётган ижтимоий-иқтисодий ислохотлар иқтисодиётнинг барча тармоқлари ва соҳаларида ишлаб чиқариш самарадорлигини ошириш орқали узок муддатли барқарор иқтисодий ўсишни таъминлашга қаратилган. Республикаимизда инвестиция сиёсатини такомиллаштириш ва хорижий инвестицияларни жалб этиш бўйича қатор ижобий ишлар амалга оширилди. Жалб этилган хорижий инвестицияларнинг асосий қисми реал сектор корхоналарини ривожлантиришга ва уларни техник-технологик янгилашга йўналтирилган.

Шу билан бирга инвестицияларни жалб этиш ва уларнинг самарадорлигини ошириш бўйича ҳал этилиши лозим бўлган муаммолар ҳам талайгина. Жалб этилган инвестициялар ҳажми иқтисодиётда таркибий ўзгаришларни амалга ошириш учун етарли бўлмапти. Хорижий инвестициялар катта қисмининг бир нечта минтақаларда тўпланиб қолганлиги республикаимиз минтақаларида мавжуд табиий-иқтисодий салоҳиятдан тўлиқ фойдаланиш имкониятларини чеклаб қўймоқда.

Шу муносабат билан республикаимизда инвестициялар жалб этиш самарадорлигини ошириш бўйича илмий асосланган таклиф ва тавсиялар ишлаб чиқиш муҳим аҳамиятга эга бўлиб, мазкур соҳада илмий тадқиқотлар олиб боришни давом эттириш заруратини келтириб чиқармоқда.

## **Мавзуга оид адабиётлар таҳлили**

Иқтисодиётга инвестицияларни жалб этиш ва улардан самарали фойдаланишнинг назарий жиҳатлари қатор олимлар томонидан ўрганилган. Жумладан, хориж олимларидан Ж.М.Кейнс, А.Маршалл, П.Самуэльсон, В.М.Фридман, К.Р.Макконелл, А.И.Дедиков, Г.Найденов ва бошқалар инвестициялар ва уларнинг самарадорлиги тўғрисидаги назарий концепциялар ишлаб чиққанлар [8].

Ўзбекистон иқтисодиётига инвестицияларни жалб этиш масалалари С.С.Ғуломов, А.В.Вахабов, Д.Ғозибеков, Н.Х.Хайдаров, Ш.Г.Юлдошев ва бошқаларнинг илмий ишларида тадқиқ этилган [7]. Бу ишларда асосан хорижий инвестицияларни жалб этишни кучайтиришнинг назарий жиҳатлари, бу жараёндаги молиявий-солиқ муносабатлари ёритилган. Ўзбекистон иқтисодиётининг ҳудудий ривожланишини тартибга солиш масалалари Ш.Б. Имомовнинг илмий ишларида кўриб чиқилган [10].

Д.Д.Рустамова, С.С.Насретдинов, Н.Н.Обламурадовларнинг номзодлик диссертацияларида иқтисодиётни эркинлаштириш шароитида хорижий инвестицияларни жалб этишнинг назарий асослари ва устувор йўналишлари, миллий иқтисодиётни модернизациялашда инвестициялардан фойдаланиш самарадорлигини ошириш йўллари, тўғридан-тўғри хорижий инвестицияларни жалб қилишнинг назарий асослари ва устувор йўналишлари тадқиқ қилинган [7,8,9].

Шу билан бирга иқтисодий адабиётларда иқтисодиётни модернизациялашда инвестициялардан фойдаланиш самарадорлигини ошириш масалалари етарли даражада тадқиқ этилмаган. Мамлакатни модернизация қилиш ва жаҳон молиявий-иқтисодий инқирозининг Ўзбекистонда салбий оқибатларини бартараф этиш шароитида мамлакатимиз иқтисодиётига инвестицияларни жалб қилишнинг хусусиятлари ва устувор йўналишларини тадқиқ этиш зарурати ушбу тадқиқот йўналишининг долзарблигидан далолат беради.

### **Тадқиқот методологияси**

Тадқиқотнинг асосий мақсади жаҳон хўжалиги тизимида глобаллашув жараёнларининг чуқурлашуви ва мамлакатимиз иқтисодиётини модернизациялаш шароитида минтақалар реал сектор корхоналарига инвестициялар жалб этиш самарадорлигини ошириш бўйича илмий-амалий таклиф ва тавсиялар ишлаб чиқишдан иборат. Тадқиқот жараёнида таққослаш, иқтисодий-статистик ва абстракт фикрлаш усулларида кенг фойдаланилди.

Тадқиқот натижасида минтақалар реал сектори корхоналарини модернизациялаш механизмларини такомиллаштиришга оид илмий-амалий таклифлар ишлаб чиқилди. Хорижий инвестицияларни ўзлаштириш орқали минтақаларда қулай инвестицион муҳит барпо этиш омиллари ва шарт-шароитларига баҳо берилди.

Ишлаб чиқилган илмий-амалий таклиф ва тавсиялардан мамлакатимиз минтақаларида ҳукуматимиз томонидан олиб борилаётган инвестиция сиёсатини ташкил этиш ва реал сектор корхоналарини модернизация қилишнинг иқтисодий механизмининг такомиллаштириш бўйича мақсадли давлат дастурларини ишлаб чиқишда фойдаланиш мумкин.

## **Таҳлил ва натижалар**

Мамлакатни модернизация қилиш ва янгилаш чора-тадбирларини амалга оширишнинг муҳим шарти ва манбаи сифатида фаол инвестиция сиёсатини амалга ошириш ва хорижий инвестицияларни жалб этиш муҳим аҳамият касб этади. Иқтисодиётнинг устувор тармоқларини ривожлантириш учун хорижий инвестицияларни жалб қилиш сиёсати мавжуд маблағлар, амалдаги шарт-шароитлардан келиб чиқиб мамлакатимиз иқтисодиётини юксалтириш, ҳамда инвестицияларни иқтисодиётнинг устувор тармоқларига жалб қилишга ва улардан самарали фойдаланишга қаратилган.

Тадқиқотнинг асосий мақсади мамлакатимиз иқтисодиётини модернизациялаш ва жаҳон хўжалик тизимида глобаллашув жараёнларининг чуқурлашуви шароитида худудлар реал сектор корхоналарига инвестициялар жалб этиш самарадорлигини ошириш бўйича илмий-амалий таклиф ва тавсиялар ишлаб чиқишдан иборат.

Ушбу мақсадга эришиш учун қуйидаги вазифалар белгилаб олинди:

- қатор йиллар давомида ўтказилган ислохотлар ва инвестиция сиёсатининг асосий тамойиллари ва йўналишларини илмий жиҳатдан асослаш;

- Ўзбекистон Республикаси инвестиция сиёсати ва унинг ўзига ҳос жиҳатларини очиқ бериш ҳамда тегишли ҳулоса ва таклифларни шакллантириш;

- ишлаб чиқаришни модернизациялаш механизмларини такомиллаштиришга оид илмий-амалий таклифлар ишлаб чиқиш;

- мустақиллик йилларида Ўзбекистон иқтисодиётига хорижий инвестициялар жалб этиш динамикасини таҳлил қилиш ва унга таъсир этувчи омилларни аниқлаш;

- республикамизнинг табиий-иқтисодий имкониятларидан келиб чиққан ҳолда Ўзбекистонда қулай инвестицион муҳит барпо этиш омиллари ва шарт-шароитларига баҳо бериш;

- иқтисодиётни эркинлаштириш шароитида Ўзбекистонда олиб борилаётган инвестиция сиёсати ва модернизация қилиш механизмларини такомиллаштиришнинг истиқбол кўрсаткичларини аниқлаш.

Ўзбекистон Республикасининг Биринчи Президенти И.А.Каримовнинг жаҳон молиявий-иқтисодий инқирозига багишланган асарида 2009 - 2014 йилларга мўлжалланган мамлакат иқтисодиётини модернизациялаш дастурини ишлаб чиқиш тўғрисидаги масалага алоҳида эътибор қаратди. Ушбу дастурда иқтисодиётимизнинг асосий тармоқларини модернизация қилиш ва техник янгилаш, мамлакатимизнинг янги марраларни эгаллаши учун кучли туртки берадиган ва жаҳон бозорида рақобатдошлигини таъминлайдиган замонавий инновация технологияларини жорий қилиш бўйича мақсадли лойиҳалар ўз ифодасини топган. Мазкур кенг кўламли дастурни амалга ошириш учун мамлакатимизда сўнгги йилларда жиддий тайёргарлик кўриб келинмоқда. Жаҳон молиявий-иқтисодий инқирози бу жараённи янада жадаллаштиришда туртки бериб, уни ҳар томонлама тезлаштиришни тақозо этмоқда[11].

Инқирозга қарши чоралар дастурини амалга оширишда инвестицияларни жалб этиш, аввало, ички манбаларни сафарбар этиш ҳисобидан

иқтисодиётимизнинг муҳим тармоқларини жадал модернизация қилиш, техник ва технологиялар, қайта жиҳозлаш, устувор йўналишга айланди.

«Инвестиция дастури ва техник модернизациялаш бўйича тармоқ дастурлари доирасида 2009 йил мобайнида 690 та инвестиция лойиҳаси амалга оширилди. Уларнинг 303 таси муваффақиятли яқунланди. Республикамизда жами 22 та йирик ишлаб чиқариш объекти, жумладан, нефть-газ, кимё, металлургия саноатида 8 та, машинасозлик саноатида 9 та ва қурилиш индустриясида 5 та объект фойдаланишга топширилди»[11].

Инқирозга қарши чоралар дастурини амалга ошириш шароитида иқтисодиётимизни модернизация қилиш, техник ва технологик янгилаш, унинг рақобатдошлигини кескин ошириш, экспорт салоҳиятини юксалтиришга қаратилган муҳим устувор лойиҳаларни амалга ошириш бўйича Дастур ишлаб чиқилди. Ушбу дастур доирасида умумий қиймати 42,5 млрд. АҚШ долларидан зиёд бўлган қарийб 327 та инвестиция дойиҳаси амалга оширилди. 2009 - 2014 йилларда амалга ошириши кўзда тутилган инвестицион лойиҳаларнинг 73,5% и янги қурилиш, 23,1% и модернизация ва тиклашга, 3,4% и бошқа йўналишларга сарфланди (1-жадвал).

#### 1-жадвал

### 2009-2014 йилларда ишлаб чиқаришни модернизациялаш, техник ва технологик янгилаш бўйича энг муҳим лойиҳаларни амалга ошириш чоратadbирлари Дастури <sup>1</sup>

Инвестицияларнинг йўналиши	Лойиҳаларнинг умумий қиймати	Ўз маблағлари	Тикланиш ва тараққиёт жамғармаси	Тижоарт банклари кредитлари
Янги қурилиш	15395	2795	468	12132
Модернизация ва тиклаш	6419	2922	1051	2446
Бошқа йўналишлар	1160	101	-	1059
Жами	22974	5818	1519	1059
<b>Ишлаб чиқариш босқичидаги янги инновация лойиҳалари</b>				
Янги қурилиш	9580	2624	942	9014
Модернизация ва тиклаш	2409	936	182	1292
Бошқа йўналишлар	256	-	-	256
Жами	12245	3560	1124	7561

2009 - 2014 йилларда амалга ошириш кўзда тутилган инвестицион лойиҳаларнинг 50,6% нефть ва газ тармоғи, 13,7% транспорт ва инфратузилма, 10,6% энергетика соҳаси, 7,3% кимё саноати, 4,4% и тоғ-кон ва металлургия саноати, 2,7% машинасозлик соҳаси, 2,3% и қурилиш моллари ишлаб чиқариш, 2,1% м энгил саноат, 1,4% и «Навоий» эркин индустриал иқтисодий зоиаси ва 4,9% бошқа тармоқлар ҳиссасига тўғри келди.

Ушбу ҳолат иқтисодиётга сарфланаётган инвестицияларнинг асосий

<sup>1</sup> Жаҳон молиявий-иқтисодий инқирози оқибатларининг олдини олиш ва республиканинг барқарор ривожланишини таъминлаш борасида амалга оширилаётган ишлар. Барқарор иқтисодий ривожланишнинг истикболдаги устувор йўналишлари ва 2010 йилдаги макроиқтисодий кўрсаткичларга эришиш омиллари ҳамда долзарб масалалари // Қорақалпоғистон Республикаси Вазирлар кенгаши, вилоятлар ва Тошкент шаҳар ҳокимликлари раҳбарларининг минтақавий семинари материаллари. – Т.: 2010.

фондларни замонавийлаштиришга, тубдан янгилашга сарфлаш ва самарадорлигини ошириш имконини берди. Демак, мамлакатимизда таркибий ўзгаришларни ва иқтисодиётни диверсификация қилиш жараёнларининг давом эттирилиши барқарор ва мутаносиб иқтисодий ўсишни таъминлаш, миллий иқтисодиётимиз рақобатбардошлигини ошириш ҳамда жадал тараққиётга эришишнинг муҳим омили ҳисобланади. Халқаро молия институтлари билан ҳамкорликнинг мунтазам равишда кенгайтириб борилиши, узоқ муддатли инвестициявий қарзларнинг ва тўғридан-тўғри хорижий инвестицияларнинг жалб этилиши Ўзбекистондаги Инқирозга қарши чоралар дастурида етакчи ўрин тутди.

Тижорат банклари кредитлари ва бошқа қарз маблағлари, аҳоли маблағлари ва Тикланиш ва тараққиёт маблағлари ҳисобига 2010 йилда жами инвестицион маблағларнинг 22,6 фоизи тўғри келиши назарда тутилган. Бундан кўриниб турибдики, асосий эътибор корхона маблағлари ва тўғридан-тўғри хорижий инвестициялар ҳажми кўламини ошириш ва бунинг натижасида ишлаб чиқаришнинг техника ва технологик қувватларини модернизациялаш, меҳнат унумдорлигини ошириш орқали аҳолининг юқори даромад олишига эришиш, ҳамда мамлакат фаровонлигини юксалтириш мақсад этиб қўйилган.


Бу борада тўғридан-тўғри хусусий хорижий инвестицияларни жалб этадиган иқтисодиёт тармоқлари корхоналари асосий фаолияти бўйича даромад солиғи, мулк солиғи, ижтимоий инфратузилмани ривожлантириш ва ҳудудларни ободонлаштириш солиғи, микрофирма ва кичик корхоналар учун белгиланган ягона солиқ тўлашдан, шунингдек Республика йўл жамғармасига мажбурий ажратмалар тўлашдан хорижий инвестициялар ҳажми қуйидагича бўлганда озод қилинади:

- 300 минг АҚШ долларидан 3 миллион АҚШ долларигача - 3 йил муддатга;
- 10 миллион АҚШ долларидан ортиқ бўлганда - 7 йил муддатга.
- 3 миллиондан ортиқ АҚШ долларидан 10 миллион АҚШ долларигача - 5 йил муддатга;

Бу йўналишда аниқ мақсадли иш олиб бориш нафақат инвестицияларни, балки энг аввало, илғор технология ва ноу-хауларни жалб этишни кўзда тутди. Улар эса Ўзбекистонга жаҳон бозорида ўз маҳсулотларининг рақобатбардошлигини ошириш имконини беради. Ҳозирги кунда Ўзбекистон иқтисодиётининг етакчи тармоқлари бўлган нефть-газ ва нефть-кимё, машинасозлик авиация инфратузилмаси ва мультимодал логистика, озиқ-овқат ва тамаки маҳсулотлари ишлаб чиқариш, кимё, тўқимачилик ва енгил саноат соҳаларида ривожланган мамлакатларнинг халқаро корпорациялари ҳамкорлик алоқаларини олиб бормоқдалар. Бугунги кунда Ўзбекистон Республикаси ҳудудида хорижий инвесторлар билан биргаликда фаолият олиб бораётган қўшма корхоналарнинг сони 4 мингдан ошди.

Республикаимизга хорижий инвестиция ва кредитларни жалб қилиш схемаси Ўзбекистон Республикаси Президентининг 2008 йил 24 июлдаги 927-сонли қарорига мувофиқ амалга оширилади (1-расм).





**1-расм. Республикага хорижий инвестиция ва кредитларни жалб қилиш схемаси**

**Манба:** Ташқи иқтисодий алоқалар, инвестициялар ва савдо вазирлигининг расмий сайтидан ([www.mfer.uz](http://www.mfer.uz)) олинган маълумотлар асосида ишлаб чиқилган.

Кенг миқёсдаги инвестициялар, ривожланиш мақсадларида халқаро молиявий институтлар билан ўрнатилган фаол ҳамкорлик, хорижий инвесторлар учун имкониятлар изчил равишда кенгайтирилиб борилиши келгуси йилларда иқтисодий ўсишни камида 8,3 фоиз даражасида белгилаш ва унга эришиш имкониятини беради. Бундай мақсадларнинг асосли эканлиги халқаро молиявий институтлар томонидан бир неча бор таъкидланган.

Иқтисодиётни инвестициялаш бўйича халқаро тажрибани ўрганиш, капитал маблағларнинг минтақага киритилиши икки йўналишда амалга оширилишини аниқлаш имконини беради. Биринчиси, ички капитал маблағларни иқтисодиётга жалб этиш асосида олиб борилса, иккинчи йўл – ташқи инвестицияларни иқтисодиётга киритилишини назарда тутати. Ўзбекистон қудратли, саноати ривожланган ишлаб чиқариш потенциалига ва ривожланган инфратузилмага эга бўлиб, географик қулай жойлашган. Мамлакатимизда амалга оширилган пул ислоҳоти миллий валютамиз барқарорлашуви ва инфляция жараёнларини бошқариш имкониятларининг топилиши ҳам мамлакат иқтисодиётига ўз ижобий таъсирини кўрсатди.

Ўзбекистон Республикаси Президентининг 2010 йил 15 декабрдаги ПҚ-1442-сонли қарори билан тасдиқланган “2011-2015 йилларда Ўзбекистон Республикаси саноатини ривожлантиришнинг устувор йўналишлари дастури” мамлакатимиз саноатини барқарор, жадал ва мутаносиб равишда ривожлантириш, асосий саноат тармоқларини диверсификация қилишга ва

экспорт салоҳиятини ўстиришга йўналтирилган таркибий ўзгартиришларни чуқурлаштириш, саноат тармоқлари, комплекслари ва корхоналарини модернизация қилиш, ишлаб чиқаришни техник ва технологик янгилаш асосида уларнинг самарадорлиги ҳамда рақобатдошлигини янада оширишга қаратилган.

Амалга ошириладиган лойиҳалар асосан енгил саноат маҳсулотлари ишлаб чиқариш, қурилиш материаллари, чарм-пойабзал маҳсулотлари, электрмаиший товарлар, озиқ-овқат саноати, тиббиёт (дори-дармон) ва бошқа шу каби устувор соҳаларни қамраб олади. Саноат корхоналарини кенг миқёсда модернизация қилиш, техник ва технологик янгилаш, уларни энг замонавий юқори технологик ускуналар билан жиҳозлаш, саноат тармоқларида замонавий илмий ютуқлар ва илғор инновация технологияларини жадал татбиқ этиш ҳудудлар иқтисодий салоҳиятини ошиб боришига хизмат қилади [13].

Республикамизга хорижий инвестициялар киришининг асосий омили мамлакатимиз табиий хомашёга бойлиги, қишлоқ хўжалигини юритишга қулай шароит мавжудлиги, етарли даражада меҳнат ресурслари ва меҳнат салоҳияти, юртимизда осойишта вазиятнинг барқарорлигидадир. Барча хорижий инвестициялар учун қулай ва имтиёзли шароит вужудга келтирилган.

Ўрганилган муаммо юзасидан минтақаларга инвестициялар жалб этиш жараёнларида ҳал этилиши лозим бўлган қуйидаги камчиликлар аниқланди:

- минтақаларда инвестиция инфратузилмасининг яхши ривожланмаганлиги - банклар, инвестиция фондлари, суғурта ва лизинг компаниялари фаолиятини рағбатлантириш ва инвестиция лойиҳаларини амалга оширишда уларнинг иштирокини самарали йўлга қўйиш;

- тадбиркорларнинг бизнес-кўникмалари, шу жумладан, инвестиция лойиҳалари билан ишлаш тажрибаси ва ҳуқуқий билимларининг етарли эмаслиги-ҳудудларда консалтинг, маркетинг ва юридик хизмат кўрсатувчи марказлар ташкил этиш ва фаолиятини ривожлантириш;

- инвестиция таклифлари ва лойиҳа техник-иқтисодий асосларининг белгиланган талабларга жавоб бермаслиги-тадбиркорларга инвестиция лойиҳаларини ишлаб чиқишда тижорат банклари, ҳудудлардаги савдо - саноат палатаси ва бошқа масъул идоралар томонидан амалий ёрдам кўрсатилишини маҳаллий ҳокимликлар томонидан ташкил этиш ва доимий назоратга олиш;

- мамлакат инвестицион муҳитининг баҳолашда инвестиция муҳитини баҳолаш агентликларини мавжуд эмаслиги, ушбу соҳада малакали кадрларни мавжуд эмаслиги;

- ривожланган ҳудудларга нисбатан суств ривожланган ҳудудларга бўлган хорижий капитал қўйилмаларнинг камлиги; инвестицияларнинг ҳудудий бир ёқламалик хусусиятини олдини олиш мақсадида, вилоятларни ривожланганлик даражаси бўйича уч гуруҳга бўлиб, суств ривожланган минтақаларга инвесторлар учун кўпроқ манфаатдорлик, мойиллик яратиш.

### **Хулоса ва таклифлар**

Тадқиқот натижасида аниқланган муаммоларни ҳал этиш ва инвестиция самарадорлигини оширишга қаратилган қуйидаги илмий тавсия ва амалий таклифлар амалга оширилиши зарур деб ҳисоблаймиз:

- хорижий инвестицияларни жалб қилиш ва тартибга солишда қонун ва меъёрий ҳужжатларни такомиллаштириш;
- мамлакатдаги ва корхоналар даражасидаги кадрлар салоҳиятини ошириш;
- ички бозорда ўз фаолиятини олиб бораётган миллий корхоналарни аниқ ахборот билан таъминланишини яхшилаш;
- мамлакатдаги ривожланиш даражаси пастроқ бўлган минтақаларга молиявий маблағлар ажратиш;
- Ўзбекистон Республикасида Инвестицион лойиҳаларни баҳолаш мақсадида инвестицион агентликларни ташкил этиш.

Юқоридаги муаммоларни бартараф этилиши иқтисодиёт мамлакатимиз иқтисодиётини тубдан таркибий ўзгартириш ва диверсификация қилиш, қисқа муддатда мутлақо янги, локомотив ролини бажарадиган тармоқларни барпо этиш, ишлаб чиқаришни модернизация қилиш, техник ва технологик янгилаш дастурларини амалга ошириш, замонавий бозор инфратузилмасини шакллантириш борасида ўз вақтида бошланган, чуқур ўйланган ва узоқ истиқболга мўлжалланган ишларни йўлга қўйиш, макроиқтисодий барқарорликни таъминлаш ва натижада мамлакат аҳолисининг турмуш даражасини кўтарилиши ва даромадларини ошишига олиб келади.

### **Фойдаланилган адабиётлар рўйхати**

1. Ўзбекистон Республикасининг "Чет эл инвестициялари тўғрисида"ги қонуни. 30.04.1998 й. NORMA тизими.
2. Ўзбекистон Республикасининг "Инвестиция фаолияти тўғрисида"ги қонуни., 24.12.1998 й.//. NORMA тизими.
3. Ўзбекистон Республикаси Президентининг фармони "Иқтисодиётнинг реал сектори корхоналарини қўллаб-қувватлаш, уларни барқарор ишлашини таъминлаш ва экспорт салоҳиятини ошириш чора-тадбирлари дастури тўғрисида", 2008 йил 28 ноябрь, ПФ-4058-сон.//NORMA тизими
4. Ўзбекистон Республикаси Президентининг Қарори, 15.12.2010 й., №ПҚ-1442 "2011-2015 йилларда Ўзбекистон Республикаси саноатини ривожлантиришнинг устувор йўналишлари тўғрисида"
5. Жаҳон молиявий-иқтисодий инқирози оқибатларининг олдини олиш ва республиканинг барқарор ривожланишини таъминлаш борасида амалга оширилаётган ишлар. Барқарор иқтисодий ривожланишнинг истиқболдаги устувор йўналишлари ва 2010 йилдаги макроиқтисодий кўрсаткичларга эришиш омиллари ҳамда долзарб масалалари // Қорақалпоғистон Республикаси Вазирлар кенгаши, вилоятлар ва Тошкенто шаҳар ҳокимликлари раҳбарларининг минтақавий семинари материаллари. – Т.: 2010.
6. Юлдашев Ш.Г. Хорижий инвестициялар Ўзбекистон Республикаси миллий такрор ишлаб чиқаришнинг иқтисодий ўсиш ва эркинлаштириш омили сифатида. - Т.: 2002.
7. Рустамова Д.Д. Иқтисодиётни эркинлаштириш шароитида хорижий инвестицияларни жалб этишнинг назарий асослари ва устувор йўналишлари:



И.ф.н. илмий даражасини олиш учун ёзилган диссертация автореферати. -Т.: 2006. 23 б

8. Обломуротов Н.Н. Тўғридан – тўғри хорижий инвестицияларни жалб қилишнинг назарий асослари ва устувор йўналишлари. И.ф.н. илмий даражасини олиш учун ёзилган диссертация автореферати. -Т.: 2008. 24 б.

9. Насретдинов С.С. Миллий иқтисодиётни модернизациялашда инвестициялардан фойдаланишнинг назарий асослари ва самарадорлигини ошириш йўллари. И.ф.н. илмий даражасини олиш учун ёзилган диссертация автореферати. -Т.:2008. 24 б.

10. Имамов Ш.Б. Регулирование территориального развития экономики Узбекистана: Автореферат диссертации на соискание учёной степени доктора экономических наук. – Т., 1993.

11. <http://www.mf.uz> - Ўзбекистон Республикаси Молия Вазирлиги веб портали.

12. <http://www.stat.uz> - Ўзбекистон Республикаси Давлат Статистика Қўмитаси веб сайти.

13. <http://www.mfer.uz> Ташқи иқтисодий алоқалар, инвестиция ва савдо вазирлиги.